




بِسْمِ اللّٰهِ الرَّحْمٰنِ الرَّحِیْمِ

BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ



ILMIHAL

2



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

SADRŽAJ

IMANSKI ŠARTI	3
NAMASKI ŠARTI	4
NAMASKI RUKNI	5
AKŠAM-NAMAZ	6
ETTEHIJJATU	7
SALAVATI	8
DOVA	9
MUHAMMED, alejhis-selam	10
FARZ I SUNNET	11
SURA EL-LEHEB	12
HALAL I HARAM	13
ISA, alejhis-selam	14
SURA EN-NASR	15
KUR'AN	16
MELEKI	17
SURA EL-KEVSER	18



NYKTERHETSRORELSENS
BILDNINGSVERSAMHET

Izdavač:

Islamska zajednica Bošnjaka u Švedskoj
Adresa: Åkerssjövägen 10, 46153 Trollhättan
Tfn: 0520 499064 Mobil: 076 310 2447
E mail: kontakt@izb.se
www.izb.se

IMANSKI ŠARTI



Iman znači vjerovanje srcem i izgovaranje jezikom.

1. AMENTU BILLAHI,
2. VE MELAIKETIHI,
3. VE KUTUBIHI,
4. VE RUSULIHI,
5. VEL-JEVMIL-AHIRI,
6. VE BIL-KADERI HAJRIHI VE ŠERRIHI MINALLAHI TE'ALA.

1. JA VJERUJEM U ALLAHA,
2. U NJEGOVE MELEKE,
3. U NJEGOVE KNJIGE,
4. U NJEGOVE POSLANIKE,
5. U SUDNJI DAN,
6. I VJERUJEM DA SVE ŠTO SE DOGAĐA, BIVA NJEGOVOM VOLJOM I NJEGOVIM ODREĐENJEM.

Pitanja:

1. *Kako glase imanski šarti?*
2. *Kako glase imanski šarti na bosanskom jeziku?*

NAMASKI ŠARTI UVJETI ZA NAMAZ



Prije stupanja u namaz treba ispuniti šest uvjeta ili priprema za namaz.

Uvjeti (šarti) za svaki namaz su:

1. Da bude čisto tijelo, odijelo i mjesto gdje će se klanjati.
2. Abdest uzeti ili, ako je potrebno, okupati se.
3. Biti propisno i lijepo obučen.
4. Na vrijeme klanjati.
5. Okrenuti se prema Kibli.
6. Odlučiti klanjati (nijet učiniti).

Ako nedostaje makar jedan uvjet (jedan šart), obavljanje namaza nije ispravno.



Pitanja:

1. Koji su uvjeti (šarti) za obavljanje namaza?
2. Ako izostavimo neki uvjet (šart), je li namaz ispravan?

NAMASKI RUKNI SASTAVNI DIJELOVI NAMAZA



Namaz ima šest sastavnih dijelova, i to:

1. Početni tekbir (iftitāhi tekbir).
2. Stajanje (kijām).
3. Učenje Kur'ana (kirāet).
4. Pregibanje (ruku').
5. Spuštanje lica na zemlju (sudžud).
6. Sjedenje na kraju namaza (ka'dei-ehire).

Stajanje, učenje, pregibanje i spuštanje lica na zemlju čine jedan rekat.



Pitanja:

1. Koji su sastavni dijelovi (rukni) namaza?
2. Šta čini jedan rekat?

AKŠAM-NAMAZ



Vrijeme akšam-namaza nastupa kada sunce zađe i traje dok se skroz ne smrkne.

Akšam-namaz ima pet rekata, i to: tri rekata farza i dva rekata sunneta.

Prvo se klanja farz, pa onda sunnet.

Klanja se tako što se okrenemo prema Kibli i zanijetimo:

Farz:

NEVEJTU EN USALLIJE

LILLAHI TE'ALA SALATE FARDIL MAGRIBI

EDAEN MUSTAKBILEL KIBLETI,

ALLAHU EKBER.

Sunnet:

NEVEJTU EN USALLIJE

LILLAHI TE'ALA SALATE SUNNETI-L-MAGRIBI

EDAEN MUSTAKBILEL KIBLETI,

ALLAHU EKBER.



	FARZ	SUNNET
1. rekat	Subhaneke Euzubilla Bismilla El-Fatiha Jedna sura	Subhaneke Euzubilla Bismilla El-Fatiha Jedna sura
2. rekat	Bismilla El-Fatiha Jedna sura	Bismilla El-Fatiha Jedna sura
Sjedi se i uči	Ettehijjatu	Ettehijjatu, salavati i dova
3. rekat	Bismilla El-Fatiha	
Sjedi se i uči	Ettehijjatu, salavati i dova	

Pitanja:

1. *Kada nastupa akšam-namaz?*
2. *Koliko akšam-namaz ima rekata?*
3. *Kako se zanijeti farz, a kako sunnet kod akšam-namaza?*
4. *Šta se uči na svakom prvom rekatu?*
5. *Šta se uči na svakom drugom rekatu?*
6. *Šta se uči na prvom, a šta na drugom sjedenju kod farza na akšam-namazu?*
7. *Šta se uči na trećem rekatu farza na akšam-namazu?*

ETTEHIJJATU



Ettehijjatu uvijek učimo dok sjedimo u namazu.

ETTEHIJJATU,
LILLAHI VES-SALEVATU VET-TAJJIBATU,
ES-SELAMU 'ALEJKE,
EJJUHEN-NEBIJU VE RAHMETULLAHI VE BEREKATUHU,
ES-SELAMU 'ALEJNA VE 'ALA 'IBADILLAHIS-SALIHIN.
EŠHEDU EL-LA ILAHE ILLALLAH,
VE EŠHEDU ENNE MUHAMMEDEN 'ABDUHU VE RESULUHU.

Prijevod:

Naše počasti, poštovanja i dobra djela pripadaju samo Allahu.
Selam, milost i Allahov blagoslov tebi, Božiji poslanice.
Neka je Božiji mir i blagoslov nama i svim dobrim Allahovim robovima.
Svjedočim da nema drugog boga osim Allaha
i svjedočim da je Muhammed Njegov rob
i Njegov poslanik.

Pitanja:

1. Kako se uči Ettehijjatu?
2. Kada se uči Ettehijjatu?



SALAVATI



ALLAHUMME SALLI 'ALA MUHAMMEDI-V-VE 'ALA ALI MUHAMMED,
KEMA SALLEJTE 'ALA IBRAHIME VE 'ALA ALI IBRAHIM,
INNEKE HAMIDUM-MEDŽID.

Prijevod:

Allahu moj, smiluj se Muhammedu, a.s., i njegovom potomstvu, kao što si se smilovao Ibrahimu, a.s., i njegovom potomstvu. Zaista si Ti Hvaljeni i Vječni.

ALLAHUMME BARIK 'ALA MUHAMMEDI-V-VE 'ALA ALI MUHAMMED,
KEMA BAREKTE 'ALA IBRAHIME VE 'ALA ALI IBRAHIM,
INNEKE HAMIDUM-MEDŽID.

Prijevod:

Allahu moj, blagoslovi Muhammeda, a.s.,
i njegovo potomstvo, kao što si
blagoslovio Ibrahima, a.s.,
i njegovo potomstvo.
Zaista si Ti Hvaljeni i Vječni.



Pitanja:

- 1. Kako se uče salavati?*
- 2. Na koga pozivamo Allahovu milost i blagoslov u salavatima?*

DOVA



Ova dova se uvijek uči poslije salavata na zadnjem sjedenju u svakom namazu.

ALLAHUMME RABBENA
ATINA FID-DUN-JA HASENETEN
VE FIL-AHIRETI HASENETEN
VEKINA AZABEN-NAR.

RABBENAGFIR LI
VE LI VALIDEJJE
VE LIL-MU`MININE
JEVME JEKUMUL-HISAB.

Prijevod:

Gospodaru naš, daj nam na ovome svijetu dobro, a i na budućem svijetu nam daj dobro, i sačuvaj nas od vatre.

Gospodaru naš, oprosti grijeha meni i mojim roditeljima, kao i svim vjernicima (mu`minima), onog dana kada budemo polagali račun za svoja djela.



Poslije dove završavamo namaz tako što predajemo selam na desnu stranu sa riječima „Es-selamu ‘alejkum ve rahmetullah“, te na lijevu stranu riječima „Es-selamu ‘alejkum ve rahmetullah“. A zatim proučimo:

ALLAHUMME ENTE-S-SELAMU VE MINKE-S-SELAM,
TEBAREKTE JA ZE-L-DŽELALI VE-L-IKRAM.

Pitanja:

1. *Kako se uči dova u namazu?*
2. *Kada se uči ova dova?*
3. *Kako završavamo namaz i šta učimo na kraju namaza?*

MUHAMMED, ALEJHIS-SELAM*



*alejhis-selam ili skraćeno „a.s.“ znači: neka je na njega Božiji mir i spas.

Muhammed, a.s., rođen je 571. godine u Meki (Saudijska Arabija) u plemenu Kurejš. Njegov otac Abdullah umro je još prije njegovog rođenja. Ostao je samo sa majkom Aminom i djedom Abdu-l-Muttalibom. Druga majka Muhammeda, a.s., majka po mlijeku, koja ga je dojila i čuvala, zvala se Halima.

Kada mu je bilo šest godina, umrla mu je i majka Amina, a samo dvije godine kasnije, kada je imao osam godina, umro mu je i djed Abdu-l-Muttalib. Tada je Muhammeda, a.s., prihvatio njegov amidža Ebu Talib i kod njega je ostao do svoje 25. godine.

Muhammed, a.s., uvijek je govorio istinu. Bio je vrlo ljubazan. Kao mladić bio je mnogo cijenjen i svi su ga voljeli. Zbog pravednosti, skromnosti i iskrenosti nazvali su ga Muhammed El-Emin (vjerni i pouzdani Muhammed).

Sa napunjenih 25 godina oženio je Hatidžu bint Huvejlid, i nakon toga, zajedno s njom, uspješno se bavio trgovinom.

Kada je imao 40 godina, u mjesecu ramazanu, u pećini Hira, Muhammedu, a.s., došao je melek Džibril, koji mu je tada prenio prve Božije riječi: „Ikre!“ (Uči! / Čitaj!). To su bile prve kur'anske riječi i time je počela objava Kur'ana. Muhammed, a.s., umro je i ukopan u Medini u svojoj 63. godini života.



Pitanja:

1. Kada je rođen Muhammed, a.s., i gdje?
2. Kako su se zvali baba i majka Muhammeda, a.s., a kako njegov djed i amidža?
3. Koji nadimak je imao i po čemu je bio poznat Muhammed, a.s., i prije poslanstva?
4. Kako se zvala žena Muhammeda, a.s., a kako njegova majka po mlijeku?
5. Koja je prva riječ koja je objavljena u Kur'anu i šta znači?
6. Gdje je umro i ukopan Muhammed, a.s.?

FARZ I SUNNET



ŠTA JE TO FARZ?

Farz je sve ono što je Allah, džellešanuhu, naredio.

To znači stroga vjerska obaveza.

Klanjati namaz je farz.

Postiti ramazan je farz.

Davati zekat je farz.

Obaviti hadž je farz.

Učiti je farz.

Slušati roditelje je farz.



ŠTA JE TO SUNNET?

Sunnet je sve ono što je poslanik Muhammed, a.s., radio, govorio i šutnjom odobrio.

Dijeliti sadaku je sunnet.

Pomagati drugima je sunnet.

Biti dobar komšija je sunnet.

Biti uredan i čist je sunnet.

Voljeti druge ljude je sunnet.

Učiti dove za druge ljude je sunnet.



Pitanja:

1. Šta je farz?

2. Šta je sunnet?

3. Navedi tri primjera farza i tri primjera sunneta.

SURA EL-LEHEB



Ova sura govori o čovjeku koji je mrzio Muhammeda, a.s., i koji je na svaki način, zajedno sa svojom ženom, želio da naudi Muhammedu, a.s., a zvao se Ebu Leheb.

بِسْمِ اللَّهِ الرَّحْمَنِ الرَّحِيمِ
تَبَّتْ يَدَا أَبِي لَهَبٍ وَتَبَّ ۝١ مَا أَغْنَىٰ عَنْهُ مَالُهُ وَمَا
كَسَبَ ۝٢ سَيَصْلَىٰ نَارًا ذَاتَ لَهَبٍ ۝٣ وَامْرَأَتُهُ
حَمَّالَةَ الْحَطَبِ ۝٤ فِي جِيدِهَا حَبْلٌ مِّن مَّسَدٍ ۝٥

BISMILLAHI-R-RAHMANI-R-RAHIM

TEBBET JEDA EBI LEHEBIV-VE TEBB
MA AGNA 'ANHU MALUHU VE MA KESEB
SEJASLA NAREN ZATE LEHEB
VEMRE-ETUHU HAMMA LETEL HATAB
FI DŽIDIHA HABLUM-MIM-MESED

Prijevod:

U ime Allaha, Milostivog, Samilosnog.

Neka propadne Ebu Leheb, i propao je!

Neće mu biti od koristi blago njegovo, a ni ono što je stekao,

ući će on sigurno u vatru rasplamsalu,

a i žena njegova, koja spletkari;

o vratu njenu bit će uže od ličine usukane!

Pitanja:

1. Kako se uči sura Leheb?
2. Znaš li ko je bio Ebu Leheb?

HALAL I HARAM



HALAL

Halal je arapska riječ koja znači dozvoljeno i čisto.

Halal su lijepe i dozvoljene stvari od hrane i pića, kao što su: voda, razne vrste prirodnih sokova, voće i povrće, razne vrste mesa i slično.

Halal su lijepe i dozvoljene stvari koje pomažu našem zdravlju, kao što su: razni sportovi, šetnja, izleti u prirodi i slično.

HARAM

Haram je arapska riječ koja znači zabranjeno i nečisto. Muslimanima nije dozvoljeno činiti ili koristiti haram. Hrana koju jedemo i piće koje pijemo ne smiju biti haram.

Haram hrana i piće:

- svinjsko meso (i svi svinjski proizvodi),
- krv (i svi njeni biprodukti),
- alkohol (pivo, vino, likeri, rakija i slično),
- sve vrste droge,
- meso od uginulih životinja.

Naše ponašanje ne smije biti nepristojno ili ružno, ne smije biti haram.

Haram ponašanje:

- krasti,
- lagati,
- varati,
- ogovarati,
- kockati,
- psovati.



Ukoliko musliman ili muslimanka uzimaju haram hranu ili svjesno rade ružne i nepristojne (haram) stvari, onda oni čine grijeh.

Pitanja:

1. Šta je halal, navedi primjere!
2. Šta je haram, navedi primjere!
3. Šta je haram ponašanje?



ISA, ALEJHIS-SELAM



Isa, a.s., odabrani je poslanik kojeg je Allah, džellešānuhu, zadužio da ljude poziva na Pravi put. Njegova majka se zvala Merjema (Merjem), a o njoj se brinuo njen tetak Zekerija, a.s., koji je bio jedan od poslanika.

Isa, a.s., se rodio bez oca. Allah, džellešānuhu, kada nešto hoće, On samo kaže: „Budi!“ – i ono bude. To znači da je Isa, a.s., mudžiza.

MUDŽIZA je natprirodno Božije djelo.

Još kao mala beba (novorođenče) Isa a.s. je pričao i govorio za sebe da je Božiji poslanik.

Sveta knjiga koju je dobio Isa, a.s., zvala se Indžil.

Isa, a.s., pozivao je ljude da vjeruju u jednog Boga, da obavljaju namaz i daju zekat. Donosio je ljudima brojne dokaze, kao što su:

- oživljavanje mrtvih,
- liječenje bolesnih i slijepih.

Većina ljudi nije vjerovala. Samo mali broj njih povjerovao je Isau, a.s.

Oni koji nisu vjerovali željeli su ubiti Isaa, a.s., ali je Allah, dž.š., odredio da Isa, a.s., bude spašen. Isa, a.s., nije umro niti je razapet na krst / križ, već ga je Allah, dž.š., uzdigao sebi.

Isa, a.s., ponovo će se vratiti na Zemlju, kao jedan od predznaka Sudnjeg dana.

Pitanja:

1. *Kako se zvala majka Isaa, a.s., i ko je brinuo o njegovoj majci?*
2. *Kako se rodio Isa, a.s., i šta je mogao kao novorođenče?*
3. *Šta je to mudžiza?*
4. *Kako se zvala sveta knjiga koju je dobio Isa, a.s.?*
5. *Šta je bilo s Isaom, a.s.?*



SURA EN-NASR



Ova sura je objavljena kao najava velikog događaja: osvojenja Meke (Fethu Mekka) od strane Muhammeda, a.s., i muslimana.

بِسْمِ اللَّهِ الرَّحْمَنِ الرَّحِيمِ
إِذَا جَاءَ نَصْرُ اللَّهِ وَالْفَتْحُ ① وَرَأَيْتَ النَّاسَ يَدْخُلُونَ
فِي دِينِ اللَّهِ أَفْوَاجًا ② فَسَبِّحْ بِحَمْدِ رَبِّكَ وَاسْتَغْفِرْهُ
إِنَّهُ كَانَ تَوَّابًا ③

BISMILLAHI-R-RAHMANI-R-RAHIM

IZA DŽAE NASRULLAHI VEL-FETH
VERE EJTEN-NASE JEDHULUNE FI DINILLAHI EFVADŽA
FE SEBBIH BIHAMDI RABBIKE VESTAGFIRH
INNEHU KANE TEVVABA

Prijevod:

U ime Allaha, Milostivog, Samilosnog.

Kada Allahova pomoć i pobjeda dođu,
i vidiš ljude kako u skupinama u Allahovu vjeru ulaze,
ti veličaj Gospodara svoga hvaleći Ga i moli Ga da ti oprost, i
On je uvijek pokajanje primao.

Pitanja:

1. Kako se uči sura Nasr?
2. Znaš li povodom čega je objavljena ova sura?

KUR'AN



Kur'an je Allahova Knjiga, objavljena Allahovom poslaniku Muhammedu, a.s., preko meleka Džibrila.

Kur'an je mudžiza, a njegovo učenje predstavlja ibadet.

Kur'an je putokaz, vodič, izvor znanja i lijek u životu svakog muslimana i muslimanke. Nekoliko informacija o Kur'anu:

- objava Kur'ana počela je u mjesecu ramazanu,
- objava Kur'ana trajala je 23 godine, i to: 13 godina u Meki i deset u Medini,
- u Kur'anu ima 114 sura i preko 6000 ajeta,
- ljudi koji znaju cijeli Kur'an napamet nazivaju se hafizi.

Prenosi se da je Muhammed, a.s., u jednom hadisu rekao: „Najbolji među vama su oni koji uče i druge podučavaju Kur'anu.“

Pitanja:

1. Šta je Kur'an i kome je objavljen?
2. Kada je počela i koliko je trajala objava Kur'ana?
3. Koliko u Kur'anu ima sura, a koliko ajeta?
4. Kako se zovu ljudi koji znaju Kur'an napamet?



MELEKI



Meleki su nevidljiva duhovna bića stvorena od svjetlosti (nur).

Nikada ne griješe, nego uvijek poslušno vrše dužnosti koje im Allah, džellešanuhu, naređuje.

Meleka ima mnogo, a najpoznatiji su:



- Džibril – imao ulogu da od Allaha prenosi Objavu poslanicima,
- Azrail (melek smrti) – rastavlja dušu od tijela u času smrti,
- Mikail – zadužen za vremenske prilike (sunce, kišu, vjetar...) i prirodne pojave (cvjetanje, listanje, rast biljaka...),
- Israfil – puhnut će u Sur prvi put i tada će sve živo pomrijeti, a kada puhne drugi put, onda će sve oživjeti i tada nastupa Sudnji dan,
- Kiramun katibun – pišu naša djela,
- Munkir i Nekir – ispituju u kaburu (mezaru),
- Ridvan – čuvar dženneta i džennetskih kapija,
- Malik – čuvar džehennema i džehennemskih kapija.

Pitanja:

1. Ko su meleki i šta je njihova zadaća?
2. Od čega su stvoreni meleki?
3. Koji su najpoznatiji meleki i šta oni rade?

SURA EL-KEVSER



Riječ Kevser je i ime rijeke u džennetu.

BISMILLAHİ-R-RAHMANİ-R-RAHİM
İNNA E'ATAJNAKE-L-KEVSER
FE SALLİ Lİ RABBIKE VENHAR
İNNE ŠANIEKE HUVE-L-EBTER



Prijevod:

U ime Allaha, Milostivog, Samilosnog.
Mi smo ti, uistinu, mnogo dobra dali,
zato namaz radi Allaha klanjaj i kurban kolji,
onaj koji tebe mrzi sigurno će bez pomena ostati.

Pitanja:

1. Kako se uči sura Kevser?
2. Šta je Kevser?




بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI
ISLAMSKA ZAJEDNICA BOŠNJAKA U ŠVEDSKOJ

MEKTEB NIVO II (۲)

IME I PREZIME	Džemat:	Punkt:
1.		
2.		
3.		
4.		
5.		
6.		
7.		
8.		
9.		
10.		
11.		
12.		
Prenosi Amr ibn Seid bin El-As da je Poslanik, sallallahu alejhi ve sellem, rekao: “Ništa vrednije roditelj ne može u naslijeđe ostaviti svome djetetu od lijepog odgoja.” (Tirmizija)	1 IMANSKI ŠARTI	2 NAMASKI ŠARTI
	3 NAMASKI RUKNI	4 AKŠAM-NAMAZ
	5 ETTEHIJJATU	6 SALAVATI
	7 DOVA	8 MUHAMMED, alejhis-selam
	9 FARZ I SUNNET	10 SURA EL-LEHEB
	11 HALAL I HARAM	12 ISA, alejhis-selam
	13 SURA EN-NASR	14 KURAN
	15 MELEKI	16 SURA EL-KEVS-ER



Islamska zajednica Bošnjaka u Švedskoj
Adresa: Åkerssjövägen 10, 46153 Trollhättan

Tfn: 0520 499064 | Mobil: 076 310 2447

E mail: kontakt@izb.se
www.izb.se